

崔揚實宗祝王列傳第三十四

唐書一百九

端明殿學士兼翰林侍讀學士龍圖閣學士朝請大夫
守尚書吏部侍郎充集賢殿脩撰臣宋 祁奉 敕撰

崔義玄貝州武城人隋大業亂往見李密密不用
河內賊黃君漢為密守柏崖義玄見羣鼠度河稍
刃有華文曰此王敦亡兆也因說君漢以城歸乃
拜君漢懷州刺史行軍總管以義玄為司馬王世
充將高毗寇河內義玄擊走之多下屯堡君漢以
所掠子女金帛分之拒不受以功封清丘縣公太
宗討世充數用其謀東都平轉隰州都督府長史

貞觀初歷左司郎中兼韓王府長史與王友于共神
慶志趣不同而俱以介直任永徽中累遷發州刺
史時睦州女子陳碩真舉兵反始碩真自言仙去
與鄉鄰辭訣或告其詐已而捕得詔釋不問於是姻
家章叔胤妄言碩真自天還化為男子能役使鬼
物轉相發惑用是能幻眾自稱文佳皇帝以叔胤
為僕射破睦州攻歙殘之分遣其黨圍婺州義玄
發兵拒之其徒爭言碩真有神靈犯其兵輒滅宗
眾兇懼不肯用司功參軍崔玄籍曰仗順起兵猶
無成此乃妖人執不持以義玄乃署玄籍先鋒而

自統眾繼之至下淮成禽其謀數十人有星墜賊
營義玄曰賊必亡詰朝奮擊左右有以盾部者義
玄曰刺史而有避邪誰肯死救去之由是眾為用
斬首數百級降其眾萬餘賊平拜御史大夫義玄
有章句學先儒疑繆或音故不通者輒采諸家條
分節解能是正之高宗詔與博士討論五經義武
氏為皇后義玄贊帝決又以后言按長孫无忌等
誅之終蒲州刺史年七十一贈幽州都督謚曰貞
后持政贈揚州大都督賜其家實封戶二百子神
基龍衣爵

神基長壽中為司賓卿同鳳閣鸞臺平章事為
酷吏所構流嶺南中宗初稍用為大理卿弟神慶
舉明經武后時累遷萊州刺史入朝待制億歲殿
奏事稱旨后以歷官有佳政且其父於已有功擢
拜并州長史謂曰并州朕鄉里宿兵多前長史皆
尚書為之今授卿宜知所以委重之乃親為按行
圖謀日而遣神慶始至有詔改錢幣汴州縣布下
俄而物價踊昂百費驚擾神慶質其非于朝果豪
猾妄為之后喜下制褒美初州隲汾為東西二城
神慶跨水聯堞合而一之省防禦兵歲數千神基

既下獄馳赴都告變得召見后出具獄示之神慶
為申理得減死然用是貶歙州司馬長安中累轉
禮部侍郎數上疏陳時政轉太子右庶子封魏縣
子是時突厥使者入見皇太子應朝有司移文東
宮召太子神慶諫曰五品以上佩龜者蓋防徵召
之詐內出龜以合之况太子乎古者召太子用玉
契此誠重慎防萌之意不可不察凡慮事於未萌
之前故長無悔吝之咎今太子與陛下異宮非朝
朔望而別喚者請降墨敕玉契詔可尋詔與營事
祝欽明更日侍讀東宮歷司刑卿劾張昌宗欲頗

閻略不盡神龍初昌宗伏誅坐流欽州卒五王得罪緣昌宗被流者皆詔原雪贈神慶幽州都督謚神慶子琳明政事開元中與高仲舒同爲中書舍人侍中宋璟親禮之每所訪逮嘗曰古事問仲舒今事問琳尚何疑累遷太子少保天寶二年卒祕書監潘肅聞之泣然曰古遺愛也琳長子儼諫議大夫其羣從數十人自興寧里謁大明宮冠蓋騶哄相望每歲時宴于家以一榻置笏猶重積其上琳與弟太子詹事珪光祿卿瑤俱列棨戟並號三戟崔家開元天寶閒中外宗屬無總旣喪初玄宗

每命相皆先書其名一日書琳等名厓復以金甌會太子入帝謂曰此宰相名若自意之誰乎即中且賜酒太子曰非崔琳盧從原乎帝曰然賜太子酒時兩人有宰相望帝欲相之數矣以族大恐附離者衆卒不用

楊再思鄭州原武人第明經爲人佞而智初調玄武尉使至京師舍逆旅有盜竊其衣囊再思遇之盜窘謝再思曰而苦貧故至此囊中檄無所事幸留它物可持去初不爲人言但假貸以還累遷天官員外郎歷左肅政御史中丞延載初擢鸞臺侍

郎同鳳閣鸞臺平章事加兼左肅政御史大夫封
鄭縣侯遷內史居宰相十餘年阿匱取容無所薦
達人主所不喜毀之所善譽之畏慎足恭未嘗忤
物或曰公位尊何自屈折荅曰世路孔艱直者先
禍不爾豈全吾軀於時水沴閉坊門以穰再思入
朝有車陷于海叱牛不前恚曰癡宰相不能和陰
陽而閉坊門遣我艱于行再思遣吏謂曰汝牛自
弱不得獨責宰相張昌宗坐事司刑少卿桓彥範
劾免其官昌宗訴諸朝武后意申釋之問宰相昌
宗於國有功乎再思曰昌宗為陛下治丹餌而愈

此為有功后悅昌宗還官自是天下貴彥範賤再
思左補闕戴令言賦兩脚狐以譏之再思怒謫令
言為長杜令士俞虫諫易之兄司禮少卿同休請
公卿宴其寺酒酣戲曰公面似高麗再思欣然翦
穀綴巾上反披紫袍為高麗舞舉動合節滿坐鄙
咲昌宗以姿貌倖再思每曰人言六郎似蓮花非
也正謂蓮華似六郎耳其巧諛無恥類如此俄檢
校右庶子中宗立拜戶部尚書同中書門下三品
京師留守封弘農郡公加兼揚州長史檢校中書
令改侍中鄭國公賜實封戶三百為順天皇太后奉

冊使武三思誣陷王同皎再思與李嶠韋巨源按
獄希意抵同皎死衆以爲寃復拜中書令監脩國
史遷尚書右僕射仍同三品卒贈特進并州大都
督陪葬乾陵謚曰恭

弟李昭中茂才第爲殿中侍御史武后誅駙馬都
尉薛紹紹兄顓爲齊州刺史命李昭按之不得反
狀后怒放于沙州赦還爲懷州司馬

竇懷貞字從一左相德玄子少詭激衣服羸儉不
爲輿馬豪侈事仕累清河令有治狀後遷越州都
督揚州長史神龍中進左御史大夫兼檢校雍州

此爲有功臣后悅昌宗還官自是天下皆爲範
思左補闕戴令言賦兩脚狐以譏之再思怒謫令
言爲長杜令士愈出諫易之凡司禮少卿同休請
公卿宴其寺酒酣戲曰公面似高麗再思欣然剪
穀綴中上反披紫袍爲高麗舞舉動合節滿坐鄙
笑昌宗以姿貌倖再思每曰人言六郎似蓮花非
也正謂蓮華似六郎耳其巧諛無耻類如此俄檢
校右庶子中宗立拜戶部尚書同中書門下三品
京師留守封弘農郡公加兼揚州長史檢校中書
令改侍中鄭國公賜實封戶三百爲順天皇后奉

冊使武三思誣陷王同皎再思與李嶠韋巨源按
獄希意抵同皎死衆以爲寃復拜中書令監脩國
史遷尚書右僕射仍同三品卒贈特進并州大都
督陪葬乾陵謚曰恭

弟季昭中茂村第爲殿中侍御史武后誅駙馬都
尉薛紹紹兄顓爲齊州刺史命季昭按之不得反
狀后怒放于沙州赦還爲懷州司馬

竇懷貞字從一左相德玄子少詭激衣服羸儉不
爲輿馬豪侈事仕累清河令有治狀後遷越州都
督揚州長史神龍中進左御史大夫兼檢校雍州

知郭元振張說皆罷爲左御史大夫于時歲犯左
執法術家又言懷貞且有禍大懼表請爲安國寺
奴不許踰年復同中書門下三品兼太子詹事監
脩國史又以尚書右僕射兼御史大夫軍國重事
宜共平章玄宗受內禪進左僕射封魏國公與太
平公主謀逆既敗投水死追戮其尸改姓毒氏然
生平所得俸祿悉散親族無留畜敗時家惟粗米
數石而已性諂詐善諧結權貴官者用事尤所畏
奉或見無須者誤爲之禮監察御史魏傳弓嫉中
人輔信義欲劾奏其奸懷貞曰是安樂所信任者

奈何繩之傳弓曰王綱壞矣正坐此屬今日殺之
明日誅無所悔懷貞猶固止之傳弓者鍾鹿人忠
寒言士也終司農丞懷貞從子兢字思慎舉明經為
英王府參軍尚乘直長調鄴令脩郵舍道路設冠
婚喪紀法百姓德之

宗楚客字叔敖其先南陽人曾祖丕後梁南弘農
太守梁亡入隋居河東之汾陰故為蒲州人父岌
仕魏王泰府與謝偃等撰括地志楚客武后從姪
子長六尺八寸明哲美須髯及進士第累遷戶部
侍郎兄秦客垂拱中勸武后革命進為內史而弟

晉卿典羽林兵後兄弟並坐奸贓流嶺外歲餘秦
客死而楚客等還俄檢校夏官侍郎同鳳閣鸞臺
平章事與武懿宗不協會賜將作材營弟儼後過
度為懿宗所劾自文昌左丞貶播州司馬晉卿流
峯州稍為豫州長史遷少府少監岐陝二州刺史
久之復以夏官侍郎同鳳閣鸞臺平章事坐鳴
邵王妓貶原州都督神龍初為太僕卿郢國公武
三思引為兵部尚書以晉卿為將作大匠節愍太
子敗逃于鄴被殺殊其首祭三思等柩楚客請之
也俄同中書門下三品韋后安樂公主親賴之與

紀處訥爲黨世號宗紀景龍二年詔突厥娑葛爲
金河郡王而其部闕啜忠節賂楚客等罷之娑葛
怨將兵患邊監察御史崔琬廷奏楚客處訥專威
福有無君心納境外交爲國取怨晉卿專徇賊私
驕恣跋扈並請收付獄三司推鞠故事大臣爲御
史對仗彈劾必趨出立朝堂待罪楚客乃厲色大
言性忠鯁爲琬誣詆中宗不能窮也詔琬與楚客
處訥約兄弟兩解之故世謂帝爲和事天子尋遷
中書令韋氏敗與晉卿同誅楚客性明達武后時
降突厥咨實力吐敦者部落在平夏余邊書言至言

吐敦反楚客爲兵部員外郎后召問方略對曰吐
敦者臣昔與之言其爲人忠義和厚且國家與有
恩必不反其兄之子默子者狡悍與吐敦不和今
言叛疑默子爲之然無能爲俄而夏州表默子劫
部落北奔爲州兵及吐敦所禽後張仁亶請築三
城議者或不同獨楚客言萬世利也然冒干權利
嘗諷右補闕趙延禧陳符命以媚帝曰唐有天下
當百世繼周陛下承母禪周唐一統其符兆有八
天皇帝再以陛下爲周王是在唐興周則天立陛下
爲皇太子是在周興唐一也天后立文王廟二也

唐同泰洛水圖云永昌帝業三也讖曰百代不移
宗四也孔子曰百世繼周五也桑條葦歌應二聖
在位九十八年而子孫相承九十八世六也乃二
月慶雲五色天應以和七也去六月九日內出瑞
蒜八也起則天爲一世聖朝爲二世後子孫相承
九十八其數正滿百世唐之曆乃三千餘年帝大
喜擢延禧諫議大夫識者以楚客等欺神誣君且
有大咎又嘗密語其黨曰始吾在卑位尤愛宰相
及居之又思天子南面一日足矣雖外附韋氏而
內畜逆謀故卒以敗晉卿髭貌雄偉擊如鍾雖不

學然性周黨垂拱後武后任之官死閤殿內外衆
作無不揔開中獄造明堂鑄九鼎有力焉

紀處訥者秦州上邽人爲人魁岸髭長數尺其妻
武三思婦之姊縱使通三思繇是款昵進爲太府
卿神龍元年夏大旱穀價騰踊中宗召問所以救
人者三思知之陰諷太史迦葉志忠奏是夜攝提
入太微近帝坐此天子與大臣接有納忠之符帝
信之下詔寢美賜處訥衣一副綵六十段與楚客
並同三品進侍中後伏誅

祝欽明字文思京兆始平人父絀字叔良少通經

頗著書質諸家疑異門人張後胤既顯官薦于朝
詔對策高第終無極尉欽明擢明經為東臺典儀
永淳天授間又中英才傑出業奧六經等科拜著
作郎為太子率更令中宗在東宮欽明兼侍讀授
太子經兼弘文館學士中宗復位擢國子祭酒同
中書門下三品進禮部尚書封魯國公食實封戶
三百相彥範崔玄暉袁恕已敬暉等皆從受周官
大義朝廷尊之以匪親忌日為御史中丞蕭至忠
所劾貶申州刺史入為國子祭酒景龍三年天子
將郊欽明與國子司業郭山惲陰迎書于后意謬立

議曰周官天神曰祀地祇曰祭宗廟曰享太宗伯
曰祀大神祭大祗享大鬼王有故不預則攝而薦
追師掌后首服以待祭祀內司服掌后六服祭祀
則供又九嬪凡大祭祀后裸獻則贊瑤爵然則后
當助天子祀天神祭地祇鄭玄稱闕狄后助王祭
羣小祀服小祀尚助况天地哉闕狄之上禕禩狄
三服皆以助祭知禕衣助大祀也王之祭服二曰
先王袞冕先公鷩冕故后助祭亦以禕衣祭先王
禕狄祭先公不言助祭天地舉此以明彼反三隅
也春秋外傳禘郊天子親射其牛王后親春其粢

世婦詔后之禮事不專主宗廟祭統曰祭也者必
夫婦親之所以備內外之官哀公問孔子曰冕而
親迎不已重乎答曰合二姓之好以繼先聖之後
以爲天地宗廟社稷主君何謂已重焉則知后宜
助祭臣請因經誼制儀典帝雖不眷猶疑之召禮
官質問於是太常博士唐紹蔣欽緒對欽明所引
皆宗廟禮非祭天地者周隋而上無皇后助祭事
帝令宰相參訂紹欽緒又引博士彭景直共議曰
周官所云祀祭享皆互言典瑞兩圭以祀地司几
筵設祀先王昨席內宗掌宗廟祭祀傳曰聖人爲

能饗帝春秋祭祀以時思之此祀天稱享享廟稱
祭也禮家凡稱大祭祀不獨主天爵人大祭祀與
量人受舉筭之卒爵祭天不裸則九嬪贊禮爵容
廟稱大祭祀也欽明據大宗伯之職以謂后有祭
天地之禮按經凡祀大神祭大祇享大鬼帥執事
而卜宿視滌濯涖玉鬯省牲鑊奉玉齋制大號若
王不與祭祀則攝位自凡而推兼言王祭天地宗
廟也下言凡大祭祀王后不與則攝而薦直王后
祭廟一凡耳若當助祭天地應不列重凡且內宗
外宗所掌皆佐王后廟薦無佐祭天地語有如助

祭天地誰當贊佐者是則攝薦爲宗廟明甚內司服掌后祭服無祭天服禮家說曰后不助祭天地五岳故無其服又言后有五輅以重翟從祭先王先公以厭翟從饗諸侯以安車朝夕見王以翟車采桑以輦車游宴按此无祭天車明甚然后助王祭天地古無聞焉時左僕射韋巨源助后擗掣帝奪政事即傳欽明議帝果用其言以皇后爲亞獻取大臣李嶠等女爲齋娘奉巨邊禮成詔齋娘有夫者悉進官初后屬婚上食禁中帝與羣臣宴欽明自言能八風舞帝許之欽明體肥醜據地搖頭眈目左顧眊帝大笑吏部侍郎盧藏用歎曰是舉五經掃地矣景雲初侍御史倪若水劾奏欽明山暉等屬儒無行以諂佞亂常改作百王所傳一朝擢放令聖德中興不宜使小人在朝請斥遠之以肅具臣乃貶欽明饒州刺史山暉括州刺史欽明於五經爲該淹自見坐不孝免無以澡被乃阿附韋氏圖再用又坐是見逐諸儒共羞之後徙洪州都督入爲崇文館學士卒

山暉者河東人善治禮景龍中累遷國子司業帝昵宴近臣及脩文學士詔徧爲伎工部尚書張錫

為談容娘舞將作大匠宗晉卿為渾脫舞左衛將軍張洽為黃鸞舞給事中李行言歌駕車西河曲餘臣各有所陳皆鄙黷而山惲奏無所習惟知誦詩乃誦鹿鳴蟋蟀二篇未畢中書令李嶠以其近規諷止之帝嘉其直下詔褒咨賜服一稱其後與欽明僻論阿世不能終其守父之復拜國子司業贊曰欽明以經授中宗為朝大儒乃詭聖僻說引豔妻郊見上帝腥德播聞身胙不終蓋與少正卯順非而澤莊周以詩書破冢者同科獨保腰領死家箒寧不幸邪後之託儒為奸者可少戒云

王瓊者方慶六世孫少為禮家學玄宗在位又推崇老子道好神仙事廣脩祠祭靡神不祈瓊上言請築壇東郊祀青帝天子入其言擢太常博士侍御史為祠祭使瓊專以祠解中帝意有所讓被大抵類巫覡漢以來葬喪皆有瘞錢後世皇俗稍以紙寓錢為鬼事至是瓊乃用之肅宗立累遷太常卿又以祠禱見寵乾元三年拜蒲同絳等州節度使俄以中書侍郎同中書門下平章事時大兵後天下願治瓊望輕無它才不為士議諧可既驟得政中外悵駭乃奏置太一壇勸帝身見九宮祠帝由是

專意它議不能奪帝嘗不豫太子建言祟在山川
璵遣女巫乘傳分禱天下名山大川巫皆盛服中
人護領所至于託州縣賂遺狼藉時有一巫美而
蠱以惡少年數十自隨尤儉狡不法馳入黃州刺
史左震晨至館請事門鏑不啓震怒破鏑入取巫
斬廷下悉誅所從少年籍其贓得十餘萬因遺還
中人既以聞璵不能詰帝亦不加罪明年罷璵為
刑部尚書又出為淮南節度使猶兼祠祭使徙浙
東召入再遷太子少師卒贈開府儀同三司謚曰
簡懷始璵託鬼神致位將相當時以左道進者紛

紛出焉李國禎考以術士顯廣德初建言唐冢仙
系宜崇表福區招致神靈請度昭應南山作天華
上宮露臺大地婆父祠并三皇道君太古天皇中
古伏羲女媧等各為堂皇給百戶掃除又即義扶
谷故湫祠龍置房宇有詔從之乃除地課工方歲
饑人不堪命昭應令梁鎮上疏切諫以為有七不
可天地之神推之尊極者掃地可祭精意可享今
廢先王之典為人祈福福未至而人已困又違神
虐人何從而致福邪宗廟月無三祭此不宜然婆
父之鄙語不經見若為地建祀廟上天必貽向背

之責夫湫者龍所託耳今湫竭已久龍安所存不
宜崇去龍之穴破生人之產若三皇五帝道君等
兩京及所都各有宮廟春秋彞鄉食此復營造是謂
瀆神夫咎豐凶本於五事不在山川百神明矣即
効國禎等動衆則得人興工則獲利祭祀則受胙
主執則市權營罔天聽負抱塗糈道路相望無時
而息人神胥怨災孽並至臣昨受命有所安輯陛
下許以權宜今所興造臣謹以便宜悉停帝從之
鎮愜慨有名士也仕至司門郎中璵曾孫搏別傳
崔楊實宗祝王列傳第三十四

諸夷蕃將列傳第二十五

唐書一百一十

端明殿學士兼翰林侍讀學士龍圖閣學士朝請矣

守尚書吏部侍郎充集賢殿脩撰臣宋 祁奉 敕撰

史大柰本西突厥特勒也與處羅可汗入隋事煬
帝從伐遼積勞為金紫光祿大夫後分其部於樓
煩高祖興太原大柰提其衆隸麾下桑顯和戰飲
馬泉諸軍却大柰以勁騎數百背擊顯和破之軍
遂振授光祿大夫從平長安以多賞帛五千匹賜
姓史從秦王平薛舉王世充竇建德劉黑闥功殊
等積前後賜侍女二雜綵萬段貞觀初擢累右武

衛大將軍檢校豐州都督封寶國公食封戶二百
卒贈輔國大將軍

馮益字明達高州良德人本北燕馮弘裔孫弘不
能以國下魏亡奔高麗遣子業以三百人浮海歸
晉弘已滅業留番禺至孫融事梁為羅州刺史子
寶聘越大姓洗氏女為妻遂為首領授本郡太守
至益三世矣隋仁壽初益為宋康令潮成等五州
僚叛益馳至京師請討之文帝詔左僕射楊素與
論賊形勢素奇之曰不意蠻夷中乃生是人即詔
益發江嶺兵擊賊平之拜漢陽太守從煬帝伐遼

東遷左武衛大將軍隋亡奔還嶺表嘯署酋領有
眾五萬番禺新興名賊高法澄洗寶徹等授林士
弘節度殺官吏益率兵破之寶徹兄子曰智臣復
聚兵拒戰益進討兵始合輒釋智臣大呼曰若等識
我耶眾委戈袒而拜成遂貴為智臣等遂有
番禺蒼梧朱崖地自號揔管或說益曰隋季崩蕩
海內震騷唐雖應運而風教未孚嶺越無所係屬
公克平二十州地數千里名位未正請上南越王
號益曰吾居越五世侯牧伯惟我一姓子女玉帛
吾有也人生富貴如我希矣常恐忝先業尚自王

哉武德五年始以地降高祖析為高羅春白崖儋
林振八州授盜上柱國高州摠管封越國公拜其
子智戴為春州刺史智戴為東合州刺史盜徙封
耿貞觀初或告盜叛盜舉兵拒境太宗詔右武衛將
軍蘭莫彞發江淮甲卒將討之魏徵諫曰天下初定創
夷未復大兵之餘疲癘方作且王者兵不宜為蠻
夷動勝之不武不勝為辱且盜不及未定時略州
縣搖遠夷今四海已平尚何事反未狀當懷之以
德盜懼必自來帝乃遣散騎常侍韋叔諧喻盜盜
遣智戴入侍帝曰徵一言賢於十萬衆時彞言兵已

出欲遂有功遣副將上盜可擊帝不許罷之
年盜來朝宴賜甚厚俄而羅竇諸洞獠叛詔盜
率衆二萬為諸軍先鋒賊據險不可攻盜持弩語
左右曰矢盡勝負可知矣發七矢斃七人賊退走
盜縱兵乘之斬首千餘級帝詔智戴還慰省賞予
不可計奴婢至萬人盜善為治閱簿最摘姦伏得
民懽心卒贈左驍衛大將軍荊州都督子三十人
智戴知名勇而有謀能撫衆得士死力西帥日樂
屬蜀嘗隨父至洛陽統本部銳兵宿衛煬帝弑引
其下逃歸時盜賊多嶺嶠路絕智戴轉戰而前至

高源俚帥脅爲謀主會益至智戴得與益俱去後
入朝帝勞賜加等授衛尉少卿聞其善兵指雲問
曰下有賊今可擊乎對曰雲狀如樹方辰在金金
利木柔擊之勝帝奇其對累遷左武衛將軍卒贈
洪州都督

益族人子猷以豪俠聞貞觀中入朝載金一舸自
隨高宗時遣御史許瓘視其貲瓘至洞子猷不出
迎後率子弟數十人擊銅鼓蒙排執瓘而奏其罪
帝馳遣御史楊璟驗訊璟至卑辭以結之委罪於
瓘子猷喜遺金二百兩銀五百兩璟不受子猷曰

君不取此且留不得歸璟受之還奏其狀帝命納焉
阿史那社尒突厥處羅可汗之次子年十一以智
勇聞拜拓設建牙磧北與頡利子欲谷設分統鐵
勒回紇僕骨同羅諸部處羅卒哀毀如禮治衆十
年無課斂或勸厚賦以自奉答曰部落豐餘於我
足矣故首領咸愛之頡利數用兵社尒諫弗納貞
觀元年鐵勒回紇薛延陀等叛敗欲谷設於馬獵
山社尒助擊之弗勝明年將餘衆西保可汗浮圖
城會頡利滅西突厥統葉護又死矣利必咄陸可
汗與泥孰爭國社尒引兵襲之得其半國有衆十

餘萬乃自號都市可汗謂諸部曰始爲亂破吾國者延陀也今我據西方而不平延陀是忘先可汗非孝也事脫不勝死無恨酋長皆曰我新得西方須留撫定今直棄之遠擊延陀延陀未禽葉護子孫將復吾國社亦不從選騎五萬討延陀磧北連兵十旬士苦其久稍潰去延陀縱擊大敗之乃走保高昌衆纔萬人又與西突厥不平由是率衆內屬十年入朝授左驍衛大將軍處其部于靈州詔尚衡陽長公主爲駙馬都尉典衛屯兵十四年以交河道行軍總管平高昌諸將咸受賞社亦以未

奉詔秋毫不敢取見別詔然後受又所取皆老弱陳弊太宗美其廉賜高昌寶鈿刀雜綵千段詔檢校北門左屯營封畢國公從征遼東中流矢擐去復戰所部奮厲皆有功還擢兼鴻臚卿二十一年以崑丘道行軍大總管與契苾何力郭孝恪楊弘禮李海岸等五將軍發鐵勒十三部及突厥騎十萬討龜茲師次西突厥擊虜蜜處真敗之入自焉耆西兵出不意龜茲震恐進屯磧石伊州刺史韓威以千騎先進右驍衛將軍曹繼叔次之至多褐城其王率衆五萬拒戰威陽卻王悉兵逐北威與

繼叔合殊死戰大破之社亦因拔都城王輕騎遁社亦留孝恪守自率精騎追躡行六百里王據大撥換城嬰險自固社亦攻凡四十日入之禽其王并下五大城遣左衛郎將權祗用徇諸酋長示禍福降者七十餘城宣諭威信莫不歡服刻石紀功而還因說于闐王入朝王獻馬畜三百餉軍西突厥焉耆安國皆爭犒師孝恪之在軍牀帷器用多飾金玉以遺社亦社亦不受帝聞曰二將優劣不復問人矣帝崩請以身殉衛陵寢高宗不許遷右衛大將軍永徽六年卒贈輔國大將軍并州都督

陪葬昭陵治冢象葱山謚曰元子道真歷左屯衛大將軍咸亨初為邏娑道副大摠管與薛仁貴討吐蕃以援吐谷渾為論欽陵所敗盡失其兵詔有司問狀免死為民

阿史那忠者字義節蘇尼失子也資清謹以功擢左屯衛將軍尚宗室女定襄縣主始詔姓獨著史君父喪哀慕過人會立阿史那思摩為突厥可汗以忠為左賢王及出塞不樂見使者必泣請入侍許焉封薛國公擢右驍衛大將軍宿衛四十八年無纖隙人比之金日磾卒贈鎮軍大將軍謚曰貞

陪葬昭陵

執失思力突厥酋長也貞觀中護送隋蕭后入朝授左領軍將軍會頡利敗太宗令思力諭降渾斛薩部落稍親近帝遂免死中思力諫曰陛下為四海父母乃自輕臣竊殆之帝異其言後復逐鹿思力脫巾帶固諫帝為止及討遼東詔思力屯金山道領突厥扞薛延陀延陀兵十萬寇河南思力示羸不與确賊深入至夏州乃整陣擊敗之追躡六百里會毗伽可汗死耀兵磧北而歸復從江夏王道宗破延陀餘衆與平吐谷渾詔尚九江公主拜

駙馬都尉封安國公坐交房遺愛高宗以其戰多赦不誅流雋州主請削封邑偕往主前卒龍朔中以思力為歸州刺史卒麟德元年復公主封邑贈思力勝州都督謚曰景

契苾何力鐵勒哥論易勿施莫賀哥汗之孫父葛隋末為莫賀咄特勒以地近吐谷渾隘陁多羈喝徙去執海上何力九歲而孤號大俟利發貞觀六年與母率衆千餘詣沙州內屬太宗處其部於甘涼二州擢何力左領軍將軍九年與李大亮薛萬徹萬均討吐谷渾於赤水川萬均率騎先進為賊

所包兄弟皆中創墮馬步鬪士死十七八何力馳壯騎冒圍奮擊虜披靡去是時吐谷渾王伏允在突淪川何力欲襲之萬均懲前敗以為不可何力曰賊無城郭逐薦草美水以為生不乘其不虞正恐鳥驚魚駭後無以窺其巢穴乃閱精騎千餘直擣其牙斬首數千級獲橐它馬牛羊二十餘萬俘其妻子伏允挺身免有詔勞軍於大斗拔谷萬均耻名出其下乃排何力引功自名何力不勝憤挺刀起將殺之諸將勸止及還帝責謂其故何力具言萬均敗狀帝怒將解其官授何力何力頓首曰

以臣而解萬均官恐四夷聞者謂陛下重夷輕漢則誣告益多又夷狄無知謂漢將皆然非示遠之義帝重其言乃止有詔宿衛北門檢校屯營事尚臨洮縣主十四年為葱山道副大總管與討高昌平之始何力母姑臧夫人與弟沙門在涼州沙門為賀蘭都督十六年詔何力往視母於是薛延陀毗伽可汗方強契苾諸酋爭附之乃脅其母弟使從何力敬馬謂其下曰上於爾有大恩且遇我厚何遽反皆曰可敷都督去矣尚何顧何力曰弟往侍足矣我義許國不可行衆執之至毗伽牙下何力

箕踞拔佩刀東向呼曰有唐烈士受辱賊廷邪天地日月臨鑒吾志即割左耳誓不屈毗伽怒欲殺之其妻諫而止何力被執也或讒之帝曰何力入延陀如涸魚得水其脫必遽帝曰不然若人心如鐵石殆不背我會使至言狀帝泣下即詔兵部侍郎崔敦禮特節許延陀尚主因求何力乃得還授右驍衛大將軍公主行有日何力陳不可帝曰天子無戲言既許之臣柰何何力曰禮有親迎宜詔毗伽身到京師或詣靈武彼畏我必不來則姻不成而憂憤不知所出下必攜貳不及一年交相疑

沮毗伽素狠戾必死死則二子爭國內判外攜不戰而禽矣帝然之毗伽果不敢迎鬱邑不得志恚而死少子拔酌殺其庶兄突利自立國中亂如其策云帝征高麗詔何力為前軍摠管次白崖城中賊稍創甚帝自為傳藥城拔得刺何力者高突勃驪使自殺之辭曰彼為其主冒白刃以刺臣此義士也大馬猶報其養食況於人乎卒捨之俄以崑丘道摠管平龜茲帝崩欲以身殉高宗諭止永徽中西突厥阿史那賀魯以處月處蜜姑蘇歌邏祿卑失五姓叛寇廷州陷金嶺略蒲類詔何力為弓

月道大摠管率左武衛大將軍梁建方統秦成岐
雍及燕及燕然都護回紇兵八萬討之處月酋朱
邪孤注遂殺招慰使果毅都尉單道惠據牢山以
守何力等分兵數道攀葛而急攻之賊大潰孤
注夜遁輕騎窮躡行五百里孤注戰死虜渠帥六
十俘斬萬餘牛馬雜畜七萬取處蜜時健俟斤合
支賀等以歸遷左驍衛大將軍封邠國公顯慶中
爲沮江軍行軍大摠管與蘇定方及右驍衛大將
軍劉伯英伐高麗不克龍朔初復拜遼東道行軍
大摠管率諸番三十五軍進討帝欲自率師繼之

次鴨綠水蓋蘇文遣男生以精兵數萬拒險衆莫
敢濟會冰合何力引兵譟而濟賊驚遂潰追奔斬
首三萬級餘衆降男生脫身走有詔班師時鐵勒
九姓叛詔何力爲安撫大使何力以輕騎五百馳
入其部虜大驚何力喻曰朝家知而誑誤遂及翻
動使我貴爾過得自新罪在凶渠取之則已九姓
大喜共擒僞葉護及特勒等二百人以歸何力數
其罪誅之餘衆遂安士卒道死者令所在收瘞蠲
護其家未幾蓋蘇文死男生爲弟所逐使子詣闕
請降乃拜何力爲遼東道行軍大摠管安撫大使

經略之副李勣同趨高麗勣已拔新城留何力守
時高麗兵十五萬屯遼水引靺鞨數萬衆據南蘇
城何力奮擊破之斬首萬級乘勝進拔八城引兵
還與勣會合攻辱夷大行二城克之進拔扶餘勣
勸兵未進何力率兵五十萬先趨平壤勣繼進攻
凡七月拔之虜其王以獻進鎮軍大將軍行左衛
大將軍徙封涼總章儀鳳間吐蕃滅吐谷渾勢益
張入寇鄯鄆河坊等州詔周王爲洮州道相王爲
涼州道行軍元帥率何力等討之二王不行亦會
何力卒贈輔國大將軍并州大都督陪葬昭陵諡

曰毅始龍朔中司稼少卿梁脩仁新作大明官植
白楊于廷示何力曰此木易成不數年可庇何力
不荅但誦白楊多悲風蕭蕭愁殺人之句脩仁驚
悟更植以桐

子明字若水孺祿授上柱國封漁陽縣公年十二
遷本菴大夫李敬玄征吐蕃明爲栢海道經略使
以戰多進左威衛大將軍襲封賜錦袍寶帶它物
蕃夥擢嫡子三品官再遷雞田道大摠管至烏德
鞬山誘附二萬帳武后時明妻及母臨洮縣主皆
賜姓武以左鷹揚衛大將軍卒年四十六贈涼州

刺史謚曰靖明性淹厚喜學長辯論子從曾襲爵
黑齒常之百濟西部人長七尺餘驍毅有謀略為
百濟達率兼風達郡將猶唐刺史云蘇定方平百
濟常之以所部降而定方囚老王縱兵大掠常之
懼與左右酋長十餘人遁去嘯合通亡依任存山
自固不旬日歸者三萬定方勒兵攻之不克常之遂
復二百餘城龍朔中高宗遣使招諭乃詣劉仁軌
降累遷左領軍員外將軍洋州刺史儀鳳三年從
李敬玄劉審禮擊吐蕃審禮敗敬玄欲引還阻泥
溝兵不得出賊屯高駝官軍常之夜率敢死士五

百人掩其營劫掠數百人賊酋跋地設棄軍走帝
歎其才擢左武衛將軍檢校左羽林軍賜金帛殊
等進為河源軍副使調露中吐蕃使贊婆等入寇
屯良非川李敬玄之敗常之引精騎三千夜襲其
軍斬首二千級獲羊馬數萬贊婆等單騎去即拜
河源道經略大使因建言河源當賊衝宜增兵鎮
守而運饟須廣乃斥地置烽七十所墾田五千頃
歲收粟斛百餘萬由是食衍士精戎邏有備永隆
二年贊婆營青海常之馳掩其屯破之悉燒糧厓
獲羊馬甲首不貲詔書勞賜凡泄軍七年吐蕃憺

畏不敢盜邊封燕國公垂拱中突厥復犯塞常之
率兵追擊至兩井忽與賊遇賊騎三千方探甲常
之見其翼以二百騎突之賊皆棄甲去其暮賊大
至常之潛使人伐木列炬營中若烽燧然會風起
賊疑救至遂夜遁久之為燕然道大摠管與李多
祚王九言等擊突厥骨咄祿元珍於黃花堆破之
追奔四十里賊潰歸磧北會左監門衛中郎將襲
寶壁欲窮追要功詔與常之共計寶壁獨進為虜
所覆舉軍沒寶壁下吏誅常之坐無功會周興等
誣其與右鷹獵將軍趙懷節反捕繫詔獄投繯死
及死人皆哀其枉

常之御下有恩所乘馬為士所筆或請罪之荅曰
何遽以私馬鞭官兵乎前後賞賜分毫下無留貨
李謹行靺鞨人父突地稽部酋長也隋末率其屬
千餘內附居營州授金紫光祿大夫遼西太守武
德初奉朝貢以其部為燕州授摠管劉黑闥叛突
地稽身到定州上書秦王請節度以戰功封耆國
公徙部居昌平高開道以突厥兵攻幽州突地稽
邀擊敗之貞觀初進右衛將軍賜氏李卒謹行偉
容貌勇蓋軍中累遷營州都督家童美者數千以財

自雄夷人畏之爲積石道經略大使論欽陵衆十
萬寇湟中候邏不知士樵采半散謹行聞虜至即
植旗伐鼓開門以伺欽陵疑有伏不敢進上元三
年破吐蕃于青海墾書勞勉封燕國公卒贈幽州
都督陪葬乾陵

泉男生字元德高麗蓋蘇文子也九歲以父任爲
先人遷中裏小兄猶唐謁者也又爲中裏大兄知
國政凡辭令皆男生主之進中裏位鎮大兄父之
爲莫離支兼三軍大將軍加大莫離支出按諸部
而弟男建男產知國事或曰男生惡君等逼已將

除之建產未之信又有謂男生將不納君男生遣
謀使男建捕得即矯高藏命召男生懼不敢入男
建殺其子獻忠男生走保國內城率其衆與契丹
靺鞨兵內附遣子獻誠訴諸朝高宗拜獻誠右武
衛將軍賜乘輿馬瑞錦寶刀使還報詔契苾何力
率兵援之男生乃免授平壤道行軍大總管兼持
節安撫大使舉哥勿南蘇倉巖等城以降帝又命
西臺舍人李虔繹就軍慰勞賜袍帶金釵七事明
年乃召入朝詔所過州縣傳舍作鼓吹右羽林將軍
李同以飛騎仗廷寵遷遼東大都督玄菟郡公賜

第京師因詔還軍與李勣攻平壤使浮屠信誠內
閒引高麗銳兵潛入禽高藏詔遣子齎手劄金皿
即遼水勞賜還進右衛大將軍卞國公賜寶器宮
侍女二馬八十儀鳳二年詔安撫遼東并置州縣
招流穴平斂賦罷力役民悅其寬卒年四十六帝
爲舉哀贈并州大都督喪至都詔五品以上官哭
之謚曰襄勒碑著功男生純厚有禮奏對敏辯善
射藝其初至伏斧鑕待罪帝宥之卹以此稱焉
獻誠天授中以右衛大將軍兼羽林衛武后嘗出
金幣命宰相南北牙羣臣舉善射五輩中者以賜

內史張光輔奉獻誠獻誠讓右王鈴衛大將軍薛
吐摩支摩支固辭獻誠曰陛下擇善射者然皆非
華人臣恐唐官以射爲恥不如罪之后嘉納來俊
臣嘗求貨獻誠不答乃誣其謀反縊殺之后後知
其冤贈右羽林衛大將軍以禮改葬

李多祚其先靺鞨酋長號黃頭都督後入中國卹
系湮遠至多祚驍勇善射以軍功累遷右鷹揚大
將軍討黑水靺鞨誘其渠長置酒高會因醉斬之
擊破其衆室韋及孫萬榮之叛多祚與諸將進討
以勞改右羽林大將軍遂領北門衛兵張柬之將

誅二張以多祚素感慙可動以義乃從谷謂曰將軍居北門幾何曰三十年矣將軍擊鍾鼎食貴重當世非大帝恩乎多祚泣數行下曰死且不忘東之曰將軍知感恩則知所以報今在東宮乃大帝子而嬖豎擅朝危逼宗社國家廢興在將軍將軍誠有意乎捨今日尚何在荅曰苟緣王室惟公所使乃引天地以自誓辭氣毅然東之遂定謀以敬暉李湛爲右羽林將軍命摠禁兵與多祚王同皎請太子至玄武門斬關入及長生殿白武后曰諸將誅逆臣易之昌宗恐漏大謀不敢豫奏頓首請

歸死后病卧極憊湛曰我於而父子不薄亦豫是邪中宗復位封多祚遼陽郡王食實戶八百子承訓爲衛尉少卿湛遷大將軍封趙國公食實戶五百帝祠太廟特詔多祚與相王登輿夾侍監察御史王覲謂多祚夷人雖有功不宜共輿輦帝曰朕推以心腹卿勿復言崔玄暉等得罪多祚畏禍及故陽厚韋氏節愍太子誅武三思多祚與成王千里率兵先至玄武樓下具言所以誅三思狀按兵不戰宮闈令楊思勗方侍帝即挺刀斬其壻羽林中郎將野呼利兵因沮潰多祚爲其下所殺二子亦

見書籍沒其家景雲初追復官爵并有家屬
湛者義府最幼子字與宗沈厚有度六歲授周王
府文學累遷右散騎常侍襲河間郡公武后徙上
陽宮留湛宿衛頃之復為右散騎常侍賜鐵券三
思惡之貶果州刺史歷洛絳二州累遷左領軍大
將軍開元十年卒贈幽州都督初義府以立武后
故得宰相而湛為中興功臣世不以其父惡為貶
云

論弓仁本吐蕃族也父欽陵世相其國聖曆二年
弓仁以所統吐渾七千帳自歸授左玉鈐衛將軍

封酒泉郡公神龍二年為朔方軍前鋒游弈使時
張仁愿築三受降城弓仁以兵出諾真水草心山
為邏衛開元初突厥九姓亂弓仁引軍度漠踰白
檉林收火拔部酋多真種落降之跌跌思太叛戰
赤柳澗弓仁騎才五百自新堡進時賊四環之衆
不敵弓仁椎牛誓士自若再宿潰圍出人服其壯
凡閱大小戰數百未嘗負賜寶玉甲第良田等列
莫與比累遷左驍衛大將軍朔方副大使會病玄
宗遣上醫馳視卒年六十六贈撥川郡王謚曰忠
孫惟貞

惟貞名瑀以字行志向恢大開元末為左武衛將軍肅宗在靈武以衛尉少卿募兵綬銀閱旬衆數萬從還鳳翔遷光祿卿為元帥前鋒討擊使戰陝州以功進殿中監史思明攻李光弼於河陽周摯以兵二十萬陣城下惟貞請銳卒數千鑿數門出自旦及午苦戰破之光弼表為開府儀同三司光弼討史朝義以惟貞守徐州賊將謝欽讓據陳乃假惟貞潁州刺史斬賊將降者萬人封蕭國公實封百戶光弼高表以自代擢左領軍衛大將軍為英武軍使卒

尉遲勝本王于闐國天寶中入朝獻名玉良馬方宗以宗室女妻之授右威衛將軍毗沙府都督其國與安西節度使高仙芝擊破薩毗播仙累進出祿御安祿山反勝使弟曜攝國事身率兵五千赴難國人固留勝勝以少女為質而行肅宗嘉之拜特造兼殺中監廣德中進驃騎大將軍遣還固請留宿衛加開府儀同三司封武都郡王實封百戶勝請授國於曜詔可勝既留乃穿築池觀厚賓客士大夫多從之游從德宗至興元為右領軍將軍歷睦王傳貞元初曜上言國中以嫡承嗣今勝讓

國請立其子欽帝欲遣欽襲王勝固辭以曜久行
國事人安之欽生京華不習其俗不可遣當是時
兄弟讓國人莫不賢之睦府除徙原王傳卒贈涼
州都督

尚可孤字可孤東部鮮卑宇文之別種世處松漠
間天寶末隸范陽節度使安祿山復事史思明上
元中自賊所歸累授左右威衛大將軍封白水縣
伯爲神策大將以功試太常卿徙封馮翊郡王食
實戶一百五十魚朝恩主衛兵器其勇養爲子名
智德使將兵二千屯扶風武功歷十餘年隊伍閑

卷之四